

Bosna i Hercegovina
Federacija Bosne i Hercegovine
Kanton Sarajevo
Općina Ilijaš
OPĆINSKI NAČELNIK



Bosna i Hercegovina
Federation of Bosnia and Hercegovine
Canton Sarajevo
Municipality of Ilijaš
MUNICIPALITY MAJOR

Služba za društvene djelatnosti i poslove mjesnih zajednica

Broj: 07-sl./21
Ilijaš, 14.06.2021. godine

STRUČNA SLUŽBA OPĆINSKOG VIJEĆA I
OPĆINSKOG NAČELNIKA

**ODGOVORI NA VIJEĆNIČKA PITANJA I INICIJATIVE
SA 6. SJEDNICE OPĆINSKOG VIJEĆA ILIJAŠ
održane 27.05.2021.godine
i pristigli odgovori na vijećnička pitanja i inicijative sa
5. sjednice Općinskog vijeća Ilijaš, održane 29.04.2021.godine**

Ilijaš, maj 2021.godine

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod VAKUFSKE BANKE, d.d. Sarajevo: 1602000000710645
e-mail drustvenedjelatnosti@ilijas.ba



Broj certifikata: CRO20063Q

**ODGOVORI NA VIJEĆNIČKA PITANJA I INICIJATIVE SA PETE SJEDNICE
OPĆINSKOG VIJEĆA ILIJAŠ ODRŽANE 29.04.2021.GODINE**

ADNAN ABADŽIJA - vijećnik NIP-a

Pitanja:

1. Zahtijevam od JU „KSC Ilijaš“ da nam dostavi kopiju Izvještaja od kantonalne inspekcije koji se odnosi na Konkurs prijema stručnog saradnika za marketing u istoj ustanovi u protekloj godini.
2. Koliko je JU „KSC Ilijaš“ dobila kazne zbog kršenja procedure Javnog konkursa, poziva, koliko su i kako kažnjene odgovorne osobe i kojim sredstvima je to plaćeno?
3. Koliko su prihodi JU „KSC Ilijaš“ uvećani na osnovu marketinga i rada stručnog saradnika za marketing, tačnije od kada je isti počeo raditi?

Odgovor:

Navedena pitanja su upućena JU "KULTURNO-SPORTSKI CENTAR I RADIO ILIJAŠ". U prilogu dostavljamo odgovor JU "KULTURNO-SPORTSKI CENTAR I RADIO ILIJAŠ", zaprimljen dana 11.06.2021.godine.

**ODGOVORI NA VIJEĆNIČKA PITANJA I INICIJATIVE SA ŠESTE SJEDNICE
OPĆINSKOG VIJEĆA ILIJAŠ ODRŽANE 27.05.2021.GODINE**

ANELA SUBAŠIĆ - vijećnica SDP-a

Inicijativa:

1. Upućujem inicijativu za uređenje Društvenog doma Kamenica i obezbjeđenje materijalnih sredstava za održavanje higijene u istom.

Obrazloženje: S obzirom da se postojeći Društveni dom u Kamenici nalazi u jako lošem stanju, pokrećem inicijativu za uređenje istog. Pomenuti prostor ne samo da nije funkcionalan, nego je nesiguran i nehigijenski prostor za djecu i odrasle. Zbog katastrofalnog stanja u kojem se nalazi, u najkraćem roku potrebno je učiniti funkcionalnim unutrašnja dva toaleta, okrečiti/ofarbat zidove, izmjeniti stolariju ili postojeću ofarbat i zamjeniti brave, te omogućiti kotlovnici za zagrijavanje prostora zimi. Kako bi se prostor u domu održavao, posebno zbog djece koja dolaze tu obavljajući treninge i rekreativne aktivnosti, potrebno je i obezbijediti sredstva za održavanje higijene.

Odgovor:

Adaptacija prostora ureda MZ Kamenica je obuhvaćena Operativnim planom načelnika i službi Općine Ilijaš za 2021.godinu i za istu su Budžetom općine za 2021.godinu planirana sredstva.

Kako bi se obezbijedila sredstva za održavanje higijene, potrebno je da predsjednik Savjeta MZ Kamenica podnese zahtjev sa specifikacijom potrebnih higijenskih sredstava Službi za zajedničke poslove Općine Ilijaš.

HALID DIZDAREVIĆ - vijećnik SDA

Inicijativa:

1. Pokrećem inicijativu prema JU Dom zdravlja KS da se riješi status pulmologa

u OJ Dom zdravlja Ilijaš.

Obrazloženje: Naime, u posljednje dvije godine, odkada je dotadašnji pulmolog, dr. Dejan Dragišić preraspoređen na radno mjesto u drugoj OJ, građani općine Ilijaš usluge pulmologa ostvaruju u drugim OJ. Ovakav odnos rukovodstva JU DZ KS građane Ilijaša dovode u nepovoljan položaj, u odnosu na građane drugih općina, jer za ostvarivanje usluge pulmologa moraju da putuju i do 50 km. Prema standardima i normativima u zdravstvu ("Sl. novine Federacije BiH", broj 58/18) jedan pulmolog se raspoređuje na 65 hiljada stanovnika, te prema tome, općini Ilijaš pripada jedan pulmolog minimalno dva dana u sedmici. Treba napomenuti da pojedine općine, sa istim ili manjim brojem stanovnika, imaju pulmologa pet dana u sedmici.

Odgovor:

U prilogu dostavljamo odgovor JU "Dom zdravlja Kantona Sarajevo" broj: 01-03-6151/21 od 04.06.2021. godine na navedenu inicijativu.

VERNESA BEŠLIJA - vijećnica NIP-a

Inicijativa:

1. Podnosim inicijativu za postavljanje tabli na koševima na košarkaškom igralištu u MZ Misoča.

Table na navedenom igralištu su devastirane (jedna je u jako lošem stanju, a druge uopće nema), te ih je potrebno zamijeniti kako bi igralište vratili u upotrebljivo stanje.

Odgovor:

U Budžetu općine Ilijaš za 2021. godinu planirana su sredstva za neophodne intervencije i nabavku opreme za sportska i dječija igrališta. Postupkom nabavke ćemo nastojati obuhvatiti nabavku novih košarkaških tabli za košarkaško igralište u MZ Misoča.

ALMIR ŠPIODIĆ - vijećnik NIP-a

Pitanje:

2. Kada će početi rekonstrukcija školskog igrališta ispred područne škole Ljubnići i da li su pokrenute neke aktivnosti u vezi ovog projekta?

U posljednje vrijeme dobio sam dosta upita od građana MZ Ljubnići da li će radovi na izgradnji školskog igrališta početi ove godine.

Na drugoj sjednici Općinskog vijeća pokrenuo sam ovu inicijativu, a takođe istu inicijativu su pokretali i kolege iz prethodnog saziva Vijeća, ali još uvijek nije urađeno ništa po pitanju realizacije.

S obzirom da je ovaj projekat planiran Operativnim planom i Budžetom kao i prethodnih godina, te da je građevinska sezona krenula već gotovo dva mjeseca, molim vas da ubrzate realizaciju pomenutog projekta.

Odgovor:

U toku je otvoreni postupak javne nabavke usluga izrade idejnih i glavnih projekata u oblasti visokogradnje i niskogradnje za potrebe Općine Ilijaš.

Javno otvaranje ponuda zakazano je za 18.06.2021. godine sa početkom u 10,15 sati.

Nakon javnog otvaranja ponuda, radić će se na naknadnoj evaluaciji i ocjeni pristiglih ponuda i postupku zaključenja Okvirnog sporazuma sa ponuđačima koji su ispunili uslove iz javnog poziva.

Ukoliko ne bude uloženi žalbi, očekujemo da Okvirni sporazum bude zaključen sredinom mjeseca jula 2021. godine.

Odmah po zaključenju Okvirnog sporazuma, Služba za društvene djelatnosti i poslove mjesnih zajednica će pokrenuti proceduru za izradu projekta uređenja dvorišta PŠ Ljubnići. Nakon što projekat bude urađen, bit će pokrenuta procedura javne nabavke radova uređenja dvorišta PŠ Ljubnići. Po okončanju postupka javne nabavke i zaključenja ugovora sa odabranim izvođačem radova pristupit će se izvođenju radova na uređenju dvorišta škole.

Služba za društvene djelatnosti i poslove mjesnih zajednica



KULTURNO SPORTSKI CENTAR I RADIO ILIJAŠ

Ul.: Hašima Spahića 23, 71380 ILIJAŠ

Telefoni: 033/400 800, 400 801 Fax: 033/428 945

Transakcijski račun: 1602000000350581, Vakufska banka d.d. Sarajevo
141306532027852, BBI Bank d.d. Sarajevo

ID broj: 4200455660002, PDV: 200455660002, Por. broj: 01420015,

www.radioilijas.ba E-mail: radioilijas@gmail.com

OPĆINA ILIJAŠ

SLUŽBA ZA DRUŠTVENE DJELATNOSTI I POSLOVE MJESNIH ZAJEDNICA

Predmet : Odgovor na vijećničko pitanje sa 5. sjednice Općinskog vijeća Ilijaš održane dana 29.04.2021. godine- dostavlja se;

ADNAN ABADŽIJA – vijećnik NIP-a

Pitanje:

Primijeno		11. 06. 2021	
Org. jedinica			Broj priloga

1. "Zahtjevam od JU "KSC Ilijaš" da nam dostavi kopiju izvještaja od kantonalne inspekcije koji se odnosi na Konkurs prijem stručnog saradnika za marketing u istoj ustanovi u protekloj godini."

Prilog: Zapisnik broj UP-1-14-09-30-25330/20-09/14

2. "Koliko je JU "KSC Ilijaš" dobila kazne zbog kršenja procedure Javnog konkursa, poziva, koliko su i kako kažnjene odgovorne osobe i kojim sredstvima je to plaćeno?"

Na osnovu člana 14. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada ili Općine, u javnim ustanovama i javnim preduzećima čiji su osnivači Kanton, Grad ili Općina, te u privrednim društvima u kojima Kanton, Grad ili Općina učestvuju sa više od 50% ukupnog kapitala („Sl. novine Kantona Sarajevo", broj: 9/19 i 21/19) direktor ustanove donio je Odluku kojom se na radno mjesto Stručni savjetnik za marketinške poslove, projekte i organizaciju, 1 izvršilac na neodređeno prima se OMERHODŽIĆ TARIK kao kandidat koji se nalazi na prvom mjestu, po broju bodova, na Listi uspješnih kandidata.

Nakon donošenja Odluke o izboru, cjelokupna procedura je bila predmetom Usmjerenog inspeksijskog nadzora od strane Kantonalne uprave za inspeksijske poslove, putem inspekcije rada.

Usmjereni inspeksijski nadzor izvršen je dana 5.10.2020. godine.

Prilikom inacepcijskog nadzora, konstatovano je da je cjelokupna procedura provedena u skladu sa odredbama Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, Grada ili Općine, u javnim ustanovama i javnim preduzećima čiji su osnivači Kanton, Grad ili Općina, te u privrednim društvima u kojima Kanton, Grad ili Općina učestvuju sa više od 50% ukupnog kapitala („Sl. novine Kantona Sarajevo", broj: 9/19 i 21/19) od pokretanja konkursne procedure, imenovanja supervizora, usvajanja poslovnika o radu, objava poslovnika, sastavljanja liste kandidata među kojima se provodi postupak izbora, održavanje pismenog ispita, usmenog ispita, sastavljanje liste uspješnih i dostavljanje odluke izuzev dijela koji se odnosi na član 6. Uredbe- objavljivanje javnog oglasa, a koja djelimično nije ispoštovana.

Naime nadležni inspektor rada je prilikom nadzora konstatovao da Poslodavac nije objavio tekst javnog oglasa na stranici Službe za zapošljavanje Kantona Sarajevo, a što je bila obaveza u skladu sa Uredbom.

Naime odredbom član 6. (Objava javnog oglasa) definisano je da javni oglas objavljuje poslodavac u jednim dnevnim novinama koje se distribuiraju na teritoriji Federacije Bosne i Hercegovine, na internet stranici Javne ustanove "Služba za zapošljavanje Kantona Sarajevo" Sarajevo i na svojoj internet stranici.

Poslodavac je javni oglas objavio u dnevnim novinama Oslobođenje, Internet stranici, oglas su distribuirali i lokalni portali, ali je napravio propust, jer javni oglas nije objavio na stranici Službe za zapošljavanje.

Navedeni propust od strane Kantonalnog inspektora rada nije ocijenjen kao neka teža povreda koja bi za posljedicu imala poništenje oglasne procedure ili poništenje odluke o izboru, jer je odredbom člana člana 19. (Kaznene odredbe) definisano:

" (1) Novčanom kaznom od 1.000,00 do 3.000,00 KM kaznit će se odgovorno lice u pravnom licu: c) koji ne objavi javni oglas na način predviđen članom 6. Uredbe.

(2) Novčanom kaznom od 3.000,00 do 5.000,00 KM kaznit će se poslodavac - pravno lice za prekršaje iz stava (1) ovog člana".

S obzirom da poslodavac samo djelimično nije ispoštovao proceduru iz člana 6. jer je oglas objavljen u dnevnim novinama i Internet stranici, kažnjen je sa minimalnom kaznom od 3.000 KM, a odgovorno lice kod poslodavca- direktor sa minimalnom kaznom od 1000 KM.

Nakon zaprimanja Prekršajnog naloga poslodavac je izvršio uplatu kazne, na račun prema uputi iz prekršajnog naloga iz sredstava Javne ustanove, a odgovorno lice kod poslodavca, direktor je uplatio svoju kaznu iz vlastitih sredstava u skladu sa uputom iz prekršajnog naloga.

3. " Koliko su prihodi JU "KSC Ilijaš" uvećani na osnovu marketinga i rada stručnog saradnika za marketing, tačnije od kada je isti počeo raditi?"

Nakon okončanja konkursne procedure i pravosnažnosti Odluke o prijemu u radni odnos broj: 23-II-09/2020 sa izabranim kandidatom Omerhodžić Tarikom zaključen je ugovor o radu na osnovu kojeg je raspoređen na radno mjesto Stručni savjetnik za marketinške poslove, projekte i organizaciju u Javnoj ustanovi "KULTURNO SPORTSKI CENTAR I RADIO ILIJAŠ".

Shodno ugovoru radnik će obavljati slijedeće poslove:

1. Rukovodi i organizuje poslove marketinga u Ustanovi;
2. Prati i organizuje naplatu prihoda od marketinga;
3. Organizuje sastanke s drugim ustanovama i pojedincima;
4. Izrada i praćenje rada WEB stranice;
5. Stara se o uposlenosti i ekonomskoj isplativosti kapaciteta Ustanove pogodnih za marketing;
6. Izrada i aplikacija projekata;
7. Ostali poslovi po nalogu direktora Ustanove.


Cjelokupna epidemiološka situaciju u zemlji u svijetu je zahtjevala i drugačiji pristup marketinškom planiranju koje je od ključne važnosti, jer veliki broj vanjskih i unutarnjih čimbenika međusobno djeluju, te zbog toga smatramo da mjerenje radnog učinka kroz povećanje prihoda ustanove treba cijeliti nakon proteka roka od godinu dana.

Gore navedenom treba dodati i to da da svaki radnik, zaključivanjem ugovora o radu na novom radnom mjestu, prolazi i probni period u kojem treba razumjeti i sagledati stanje u ustanovi kako bi mogao marketinški planirati. A i samo planiranje, nakon kojeg se mjere učinci istog, predstavlja određeno razdoblje, najčešće godinu dana.



Direktor JU KSC i Radio Ilijaš

Benis Fazlić, dipl. ecc



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

NALAZ INSPEKCIJSKOG NADZORA

Lica prisutna nadzoru upoznata sa navodima iz prigovora supervizora Abadžija Adnana upućenog putem Ureda za borbu protiv korupcije i upravljanja kvalitetom Kantona Sarajevo, uz koji prigovor je dostavljen i zapisnik sa prvog sastanka Komisije za provođenje javnog oglasa održanog dana 24.8.2020. godine. Izvršen uvid u Rješenje o registraciji Općinskog suda u Sarajevu broj 063-0-Reg-10-002407 od 17.9.2010. godine kojim rješenjem je Benis Fazlić upisan u svojstvu direktora ustanove.

Predao na uvid Tekst konkursa objavljen u dnevnim novinama Oslobođenje dana 8 i 9 avgust 2020. godine za prijem radnika na neodređeno vrijeme radno mjesto Stručni savjetnik za marketinške poslove, projekte i organizaciju, 1 izvršilac

Na okolnosti navoda iz prigovora da je Komisija pri imenovanju supervizora propustila imenovati i zamjenika supervizora kršeći član 13. stav 1 uredbe, odgovorno lice predložilo na uvid Zahtjev za imenovanje supervizora i zamjenika supervizora broj 52/07/2020 od 28.7.2020. godine koji zahtjev je upućen Uredu za borbu protiv korupcije i upravljanje kvalitetom, a istim od strane ureda traženo imenovanje supervizora i zamjenika supervizora. Nadalje predložena Obavijest broj 20-30-28418/20 od 03.08.2020. godine upućena od strane Ureda za borbu protiv korupcije i upravljanje kvalitetom Kantona Sarajevo kojom je predmetna ustanova obaviještena da je Ured imenovao supervizora i zamjenika supervizora za nadzor nad provođenja javnog oglasa za prijem u radni odnos u navedenoj ustanovi.

Prisutni nadzoru izjavi da je zamjenik supervizora imenovan od strane Ureda, a o čemu je poslodavac obaviješten aktom Ureda od 3.8.2020. godine, u kojem je navedeno da je imenovan supervizor i zamjenik supervizora. Prilikom zakazivanja konstituirajućeg sastanka poslodavac je uputio poziv uredu za prisustvo supervizora, a ured je obavijestio supervizora, koji je prisustvovao prvom sastanku, a komisija je sa istim uskladila termin održavanja svakog narednog sastanka, a što je vidljivo iz zapisnika o radu komisije pod tačkom razno. Shodno navednom supervizor je mogao prisustvovati svakom sastanku i angažovanje zamjenika supervizora nije bilo potrebno.

Na navode iz prigovora da Komisija na sjednici 24.8.2020. godine vršeći svoju djelomičnu obavezu iz člana 8 Uredbe istim prekršila navedeni član u stavu (7) prisutni nadzoru izjavi da je Komisija na prvom sastanku koji je održan dana 25.8.2020. godine usvojila Poslovnik o radu, te na taj način ispoštovala proceduru iz člana 8. Uredbe. Nakon usvajanja poslovnika Komisija mi je isti lično dostavila dana 26.8.2020. godine, a poslovnik o radu Komisije je objavljen na web stranici ustanove dana 1.9.2020. godine, a kao dokaz tome vam se predložava pismena korespondencija putem maila.

Na okolnosti prednjih navoda predložava se na uvid slijedeća dokumentacija:

-Izvod sa web stranice JU " KSC I RADIO ILIJAŠ"

-Poslovnik o radu Komisije za provođenje javnog konkursa za prijem radnika ustanove JU " KSC I RADIO ILIJAŠ"

-Izvod sa maila od 1.9 i 2.9.2020. godine


web: <http://kuip.ks.gov.ba>, mail: kuip@kuip.ks.gov.ba

Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890

Sarajevo, 1.9.2020. godine



[Handwritten signature]



Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues


Na navode iz prigovora da je Komisija propustila ispuniti osnovna prava supervizora koja proizilaze iz člana 13. a koja se odnose na prisutnost i praćenje provođenja procedure od strane supervizora i to na način da supervizoru nije omogućeno posjedovanje kopije pravilnika, a na taj način i onemogućen je u uživanju prava iz navedenog prisutna nadzoru izjavi da ukoliko se prigovor odnosi na pravilnik o unutrašnjoj organizaciji i sistematizaciji radnih mjesta imenovani supervizor je od strane komisije na prvom sastanku bio upoznat sa njegovim pravom da može izvršiti uvid u pravilnik, a što je isti smatrao i izjavio da nije potrebno. Ukoliko se prigovor odnosi na Poslovnik o radu imenovani supervizor je od strane predsjednice komisije za svaki sastanak dobio sve materijale u printanoj formi i imao uvid u iste prilikom razmatranja i usvajanja. Uredbom a ni Poslovnikom o radu komisije nije definisana obaveza Komisije da supervizoru preda kopiju pravilnika niti poslovanika o radu Komisije. Ističem da je Poslovnik objavljen na web stranici ustanove i isti je bio dostupan kako njemu tako i ostalim zainteresovanim licima.

Na navode iz prigovora da je poslodavac, prije konstituisanja Komisije za provođenje Javnog oglasa, a samim tim i imenovanja supervizora propustio ispuniti obavezu iz člana 6. stav 1 Uredbe na način da je predmetni poslodavac propustio predmetni javni oglas objaviti kod nadležne Javne ustanove "Služba za zapošljavanje Kantona Sarajevo" prisutni nadzoru izjavi Javni oglas za popunu upražnjenog radnog mjesta objavljen je u dnevnim novinama Oslobođenje, na web stranici poslodavca. Isti je preuzet i objavljen od strane lokalnih informativnih portala, na internet stranicama i dnevnim novinama objavljen je puni tekst javnog oglasa u čitavom periodu roka prijave. Predmetni oglas nije objavljen na stanici Službe za zapošljavanje Kantona Sarajevo.

Shodno gore navedenom se utvrđuje da predmetna javna ustanova nije objavila predmetni javni oglas na internet stranici Javne ustanove "Služba za zapošljavanje Kantona Sarajevo", te na taj način postupila suprotno članu 6. Uredbe o postupku prijema u radni odnos u zavodima, agencijama, direkcijama i upravnim organizacijama, pravnim licima s javnim ovlaštenjima na teritoriji Kantona, grada ili općine, javnim ustanovama i javnim preduzećima čiji su osnivači kanton, grad, ili općina, te privrednim društvima u kojima kanton grad ili općina učestvuje sa više od 50% ukupnog kapitala ("Službene novine KS" broj 9/19 i 21/19)

Na navode i prigovora da je poslodavac prekršio član 7 stav (1) tačka i) Uredbe kojom je bio obavezan da u samom tekstu Javnog oglasa navede telefon kontakt osobe zadužene za davanje dodatnih obavještenja prisutni nadzoru izjavi da u tekstu javnog oglasa navedena je mail adresa poslodavca, a na koji su se mogli slati upiti vezani za objavljeni javni oglasi.

Vrši se uvid u tekst javnog oglasa objavljen u dnevnim novinama Oslobođenje dana 8 i 9 avgust 2020. godine za prijem radnika na neodređeno vrijeme radno mjesto Stručni savjetnik za marketinške poslove, projekte i organizaciju, 1 izvršilac, iz kojeg teksta javnog oglasa je utvrđeno da isti ne sadrži telefon kontakt osobe zadužene za davanje dodatnih obavještenja, a kako je to propisano članom 7 tačka i) Uredbe.




Bosnia and Herzegovina
Federation of Bosnia and Herzegovina
CANTON SARAJEVO
Cantonal Administration for Inspection Issues

Na okolnosti navoda iz prijave odgovorno lice predmetnog subjekta kontrole nadalje izjavi da je prigovor u istom sadržaju dostavljen Komisiji i poslodavcu na trećoj sjednici održanoj dana 14.9.2020. godine, a kada je bio i zakazan pismeni i usmeni ispit kandidata. Nakon zaprimanja prigovora Komisija je poslodavcu dostavila izjašnjenje na prigovor supervizora, a poslodavac je svim kandidatima među kojima se provodi postupak izbora dostavio obavijest o obustavljanju procedure javnog oglašavanja do okončanja procedure razmatranja prigovora i donošenja odluke o tome da li uočene nepravilnosti predstavljaju osnov za poništenje javnog oglasa. Razmatrajući u okviru navoda i prigovora neposrednim uvidom u konkursnu dokumentaciju poslodavac je donio Odluku po prigovoru po kojoj nepravilnosti uočene od strane supervizora ne predstavljaju osnov za poništenje javnog oglasa i da isti ne mogu uticati na nastavak provođenja procedure koja je u fazi održavanja pismene provjere znanja kandidata. Prigovori imenovanog supervizora su neblagovremeni jer su trebali biti izjavljeni u trenutku kada su uočeni, a sve u skladu sa članom 13 Uredbe. Imenovani supervizor tokom obavljanja nadzora nije izjavljivao prigovore a što je vidljivo iz zapisnika o radu komisije koje je isti potpisao. Odluka po prigovoru dostavljena je imenovanom supervizoru, kao i komisiji a komisija je nakon zaprimanja odluke ponovno zakazala pismeni i usmeni ispit kandidata, koji je održan dana 24.9.2020. godine. Nakon zaprimanja liste uspješnih kandidata poslodavac je odmah u skladu sa članom 14 Uredbe donio Odluku o prijemu u radni odnos kandidata koji se nalazi na prvom mjestu po broju bodova, a koja odluka je dostavljena svim kandidatima sa liste uspješnih, te još uvijek teku žalbeni rokovi.

Na okolnosti prednjih navoda predočava se na uvid slijedeća dokumentacija:

- Izjašnjenje Komisije na prigovor supervizora na javni oglas od 16.9.2020. godine
 - Odluka po prigovoru broj 22-II-09/2020 od 22.09.2020. godine
 - Zapisnik sa prvog sastanka Komisije za provođenje javnog oglasa broj 72-VIII/2020 od 25.8.2020. godine
 - Zapisnik sa drugog sastanka Komisije za provođenje javnog oglasa broj 72-VIII/2020 od 31.8.2020. godine
 - Odluka o prijemu u radni odnos broj 23-2-09/2020 od 25.9.2020. godine
- Fcc navedene dokumentacije u prilogu zapisnika.



web: <http://kuip.ks.gov.ba>, mail: kuip@kuip.ks.gov.ba


Tel: + 387 (0) 33 770-100 (centrala)

+ 387 (0) 33 569-870 (direktor)

Fax: + 387 (0) 33 770-151, + 387 (0) 33 569-890


Sarajevo, Alajla Begova Srebrana 11

Prav



JAVNA USTANOVA DOM ZDRAVLJA KANTONA SARAJEVO

Kanton Sarajevo, Federacija BiH, Bosna i Hercegovina
Public Institution Health Center of Sarajevo Canton
Sarajevo Canton, Federation of BiH, Bosnia and Herzegovina



Broj: 01-03-6151/21
Sarajevo, 04.06.2021.

OPĆINA ILIJAŠ

Prilijenat: 07. 06. 2021		Broj priloga
Org. jedinica	Općina	
01/12		

OPĆINA ILIJAŠ
N/R NAČELNIKA

Sanja
Keč


Predmet: Odgovor na vijećničku inicijativu

Poštovani,

Povodom vijećničke inicijative vijećnika Halida Dizdarevića, obavještavamo Vas da je JU Dom zdravlja KS pokrenuo proceduru za dobijanje saglasnosti od Ministarstva zdravstva i Vlade Kantona Sarajevo za upošljavanje pulmologa.

Odmah po dobijanju tražene saglasnosti, bićemo u mogućnosti da riješimo problem pulmologa u OJ Ilijaš.

Srdačan pozdrav,



V.D. GENERALNI DIREKTOR

Mr. sc. med. prim. Amela Kečo

Amela Kečo

DOSTAVITI:

- Naslovu
- Kabinet generalnog direktora
- a/a